



dalan ida moris nian



Main nia uma sira

"Ha'u-nia moris Na'i,
simples no loos
hanesan flauta au
nian ida, atu ita bele
hakonu nia, hakonu ho
ita-nia múzika".



Uma mak fatin iha-
ne'ebé halo unidade
entre buat iha laran
no buat iha li'ur,
liuhusi simun no
ospitalidade.
Ha'u eziste hodi
kontempla no la'ós
hodi namkari.



Kontemplasaun katak
foti distánsia husi
sasán li'ur nian, atu
iha atensaun boot
liután ba an rasik atu
horik ho ema ida.



Iha provasaun
máskara sira monu,
iluzsaun sira nabeen,
esensiál hatudu sai
nia an. Iha provasaun
ema ida folin tuir nia
fiar, folin tuir nia
domin.



Uma ida ne'ebé moris
furak, umanamente
furak, furak tanba iha
fatin ba amizade, ba
ksolok ne'ebé fahe ba
malu, ba enkontru, ba
kapasidade atu hahí,
ba maravilla, ba
divertimentu serenu,
ba naroman ida ne'ebé
daet.



Tatoli ksolok katak
moris tuir Maromak
nia estilu.



Konstrutór sira
komuñan nian halo
buat ne'ebé Maromak
halo, kria prosimidade
no aliansa. No ema
hanaran sira Maromak
nia belun.



Uma mak fatin ida
iha-ne'ebé Maromak
ko'alia mai ita
uluknanai liuhusi ema
sira ne'ebé horik ho
ita nia oin, hateke
mai ita ho ema sira
ne'ebé horik ho ita nia
matan.



Fiar la'ós aprovasaun
intelektuál ba Jezús
nia afirmasaun sira,
maibé dehan sin ba
Kristu, ligasaun pesoál
ho Nia, sai boot ba
beibeik iha
komprensaun, domin
ativu, partisipasaun.



Iha uma ida-idak Main
nian ki'ik no infinitu
hasoru malu, iha jestu
loroloron nian, iha domin
halo iha silénsiu, iha
esperansa ne'ebé manán
ta'uk, iha ne'ebé
momentu lais nabilan iha
rohan-laek no rohan-
laek hatudu an iha
momentu lais.

